

T 3145 / 1712.85

8

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
JUN 15 1939

鄧州志卷之十九

哈佛大學漢和
圖書館珍藏印

古延蔣光祖振裘氏纂修

仙釋方伎

二氏之教或尊而奉之或辭而闢之或漫無學識而
詆斥其粗淺以自附於聖人之徒或傳會儒書強相
比合而謬爲依違兩可之說究紛拏其未有定也夫
二教行乎中國數千年矣名公碩學亦常崇信其道
人至中年多歸於釋父老或感動流涕兒童無知疾
病枉抑輒呼佛號蓋亦有莫知其然而然者矣前史
仙釋多列於方伎亦特就其跡論之耳鄧之以方伎

著者蓋寥寥焉附錄於末聊以備一方之事實也志
仙釋方伎

晉麻衣子姓李名和生而紺髮美姿稍長厭世遂入終
南山忽遇一道者授以道秘戒之曰南陽之間湍水
之陽有山靈堂岩洞其旁神開汝鄉汝則往之可以
翕神于蒼茫麻衣往求之遇樵者導其處居洞中十
有九年晉義熙間大旱居民張奭率衆請雨麻衣以
無術答之請者不輟是夕有少年十二人謂麻衣曰
若再請但許之麻衣怪而諾之翌日果大雨十二人
復來拜曰吾屬龍也上帝以師道業成令輔師行化

耳劉宋大明初年百有一歲儼坐而尸解

唐丹霞山智通禪師天然鄧州人初習儒業將入長安
應舉宿逆旅遇禪者問曰仁者何往曰選官去禪者
曰選官何如選佛曰選佛當往何所禪者曰今江西
馬大師出世是選佛場也師因直造江西謁馬祖以
手拓幞頭額馬祖顧視良久曰南嶽石頭是汝師也
遽抵石頭還以前意投之石頭曰着槽廠去天然禮
謝入行者房隨次執爨役三年忽一日石頭示衆云
來日剗佛殿前草次日大衆各備鋤鑿剗草獨師以
盆盛水沐頭於石頭前胡跪石頭見而笑便與剗髮

又爲說戒乃掩耳而出再往江西謁馬祖未參禮便入僧堂騎聖僧頸而坐大衆驚報馬祖入堂視之曰我子天然天然卽下地禮拜曰謝師賜法號因名天然馬祖問從何處來曰石頭馬祖曰石頭路滑還踏來汝麼曰若蹋倒卽不來也乃杖錫觀方往餘杭徑山禮國一禪師後謁南陽忠國師元和二年至洛下歸信者翕然十九年春思林泉終老時門人齊靜卜南陽丹霞山結庵三年間學者至盈三百衆建成大院長慶四年六月告門人曰吾欲行矣乃戴笠策杖受屨垂一足未及地而化門人建塔謚智通禪師塔

曰妙覺

韓湘字清夫鄧人愈之姪落魄不羈愈勉之學對曰湘所學非公所知乃賦詩有解造逡巡酒能開頃刻花之句愈曰子能奪造化耶曰請試爲之乃聚土以盆覆之良久花開葉上出金字一聯云雲橫秦嶺家何在雪擁藍關馬不前且曰久之自驗後愈貶潮州途中遇雪俄一人冒雪而來乃湘也曰公憶花間句乎詢其地卽藍關嘆曰吾爲汝足此詩卽一封朝奏云云湘辭去出藥一瓢曰服此可以禦瘴愈愴然湘曰公不久卽西且當復用愈曰此後復能相見乎湘曰

前約未可知也

宋景知常穰人少從趙瓊禩學道顏如渥丹太宗知其名召至俄辭去嘗遇呂真人語唐昭宗以來事殆數百歲或祁寒浴溪或大暑偃地有書生病憊噓酒飲之卽能行所居夜神光滿室卒舉其棺甚輕開視惟衣衾在有異香焉

鳴鳩和尚穰人日食二鳩有貧士求殮分二足與之僧漱口鳩從口出一能行一匍匐在地士驚愕亦吐出二足世號鳴鳩和尚

鄧州丹霞子淳禪師劔州賈氏子僧問牛頭未見四祖

時如何師曰金菊乍開蜂競採曰見後如何師曰苗枯華謝了無依宣和己亥春示寂塔全身於洪山之南

張虛白穰人通太乙六壬宋徽宗時爲太虛真人金門羽客出入禁中終日論道無一言及時事人問其故曰朝廷事有宰相在非予所知也忽一日曰吾某年月日當化去至期果然

中度禪師鄧州人僧問如何是暗中明鏡師曰昧不得曰未審照何物師曰甚麼物不照問如何是實際理地不受一塵佛事門中不捨一法師曰真常塵不染

海納百川流曰請和尚離聲色外答師曰木人常對語有性不能言以下六禪師未詳時代

香巖下堂義端禪師鄧州人上堂僧問如何是直截根源師乃擲下拄杖便歸方丈上堂語是謗寂是誑語寂向上有路在老僧口門窄不能與汝說得便下座廣濟方禪師鄧州人僧問如何是佛師曰騎牛趁春草背卻少年爺問寶劍未磨時如何師曰烏龜嚼黑豆曰磨後如何師曰庭柱挂燈籠曰如何是修行師曰庭柱傷寒

丹霞普月禪師鄧州人上堂威音已前誰當辨的然燈

已後孰是知音敢問諸人不犯鋒鋦一句作麼生道良久曰半夜烏龜眼豁開萬象曉來都一色

廣濟院同禪師鄧州人僧問萬緣息盡時如何師曰三脚蝦蟇飛上天問如何是透法身句師曰華嶽三峯小問此意如何師曰黃河輓底流

香巖智月海印禪師鄧州人僧問法雷已震選佛場開不昧宗乘請師直指師曰三月三日時千花萬花折曰普天匝地承恩力覺苑仙葩一夜開師曰切忌隨他去

明張三峰遼東懿州人名全一一一名君實三峯其號也

以其不飾邊幅又號張邈邈頤而偉鬚髯如戟寒暑
 惟一衲一簑所啖升斗輒盡或數月不食游處無恒
 或云能一日千里元末居寶鷄金臺觀而逝土人置
 棺殮訖臨窆發視之復生乃入蜀洪武初僑居鄧州
 言人禍福輒應有接骨丹傳於鄧後至太和山結庵
 於玉虛宮有古木五株嘗棲其下猛獸不距鷲鳥不
 搏人益異之居二十年拂袖遊方而去

舊志參明史

呂疙瘡者不詳其名里成化間嘗遊於襄鄧河洛之間
 冬則臥雪夏則被褐好狎兒童且謔且詈競爲之結
 小髻每搔首則髮理如櫛復爲結之如螺然滿顛時
 人呼爲疙瘡一日履江水上江畔一婦人方晨汲見
 之曰呂公若能行水耶呂怒取其杖笞之復履江去
 弘治己未相傳於隴右白日上昇而去

國朝興杲字暉空鄧州僧能詩與內鄉許菊谿爲方外友
 歷抵朱門如遊蓬戶機鋒清穎有叅寥之風年八十
 餘無疾卒

方伎

漢蔡少公

舊志作蔡謨

光武嘗與兄伯升及鄧晨俱之宛與

穰人蔡少公等讌語少公頗學圖讖言劉秀當爲天
 子或曰是國師公劉秀乎光武戲曰何用知非僕邪

坐者皆大笑晨心獨喜

見後漢書

張機字仲景涇陽人學醫術於同郡張伯祖盡得其傳靈帝時舉孝廉官至長沙太守嘗見侍中王仲宣曰君年至四十當有疾鬚眉脫落後半年必死宜預服五石湯庶可免也仲宣時年二十餘聞而惡之受方不飲數日復見機佯曰藥已飲矣機曰觀君氣色非飲藥者何輕命欺人如此其後二十年仲宣果如所言機著傷寒論十卷華陀讀而善之曰此真活人書也機又著金匱玉函要畧方三卷併傳於世

鄧州志卷之十九終

鄧州志卷之二十

古延蔣光祖振喪氏纂修

列女

古之傳列女者或以德孝顯亦或以才智稱雖未嘗數數觀不可謂無其人也要惟節烈者多著焉夫夫死子幼堂上有垂白之親宗祀僅一綫之托卒能茹荼苦志養老存孤豈不令人肅然起敬哉若乃卒遇強暴時際亂離舍生取義視死如歸雖烈丈夫曷以加焉抑或所天既喪誓不獨生其志可哀其義烈不可沒也斯皆身係綱常生光彤管 國家亦既旌表

入祠而貧窶之家子孫不振或亦莫為表彰茲皆搜訪著之於篇毋使其苦節泯沒焉志列女

其

鄧曼鄧文楚子夫人桓王二十一年楚屈瑕伐羅闢

猶正逆之還謂其御曰莫敖必敗舉趾高心不固矣

竟楚子曰必濟師楚子辭焉入告夫人鄧曼鄧曼

大夫其非衆之謂其謂君撫小民以信訓諸司以

禮而威莫敖以刑也莫敖狃於蒲騷之役將自用也

楚小羅君若不鎮撫其不設備乎夫固謂君訓衆而

鎮撫之召諸司而勸之以令德見莫敖而告諸天

段易也不然夫豈不知楚師之盡行也楚子使

賴人追之不及莊王七年楚武王荆尸授師子焉以

伐隨將齊入告夫人鄧曼曰余心蕩鄧曼歎曰王祿

盡矣盈而蕩天之道也先君其知之矣故臨武事將

發大命而蕩王心焉若師徒無虧王薨於行國之福

也王遂行卒於楠木之下

唐陸家姑張巡姊嫁陸氏號王巨之走臨淮遮王勸勿

行不納賜百縑勿受為巡補縫行間軍中號曰陸家

姑先巡被害

關盼盼張建封妾建封鎮徐州盼盼從之建封卒盼盼

守節獨居燕子樓嘗作燕子樓詩白居易愛其詩和

之云今春有客洛陽回曾到尙書塚上來見說白楊
堪作柱怎教紅粉不成灰末復綴一絕云黃金不惜
買蛾眉揀得如花四五枝歌舞教成心力盡一朝身
去不相隨盼盼得詩泣云自公見背妾非不死但恐
後世以公有從死之妾是玷我公清範也今公歿已
久可以相從於地下矣遂不食七日而死

明李氏羅斌妻鄧州人善之長女歸未幾而斌喪有遺
孤時李甫三十守節終身景泰中旌表

馬氏楊顯妻年十九夫歿守志撫孤終身無間言成化
中旌表

丁氏朱璟妻璟卒丁年十九以育孤完節自誓不飾容
不疾言孀居五十餘年雖兄弟罕見其面

高氏黃祿妻年二十餘夫卒矢志靡他訓遺孤爲郡學
弟子知州王道行旌其門

張氏孔時通妻千戶鐸之女適通甫二載夫卒無嗣抗
節自守垂四十年以疾終

劉氏秦宗義妻歸於秦勤儉自持其姑淫悍欲污之劉
不從屢被箠挺乃號哭自縊死知州張僊杖殺其姑
而遣祭葬之

章氏張誦妾性貞介不妄言笑誦丁艱解組卒於家章

年二十七欲殉不可得迺與嫡丁宜人勵志守節同撫遺孤紡績以督夜讀丁尋卒所守愈勵茹荼飲藥教子弗輟族黨有凌之者惟閉門飲泣而已子竟成名亦不與較當事奏表其門仍免二丁供掃除塋域之役鄉里榮之

丁氏藍嘉秀妻璉女年十七適嘉秀越二年夫卒無子力貧守節竭女紅奉舅姑者二十餘年歿復鬻奩盡禮自羅土營二塚手蔣一栢記之忽傍生一栢有連三之端事聞建坊旌表

氏舒五常妻垠女年十七適五常三年五常卒即欲同死姑防護惟謹丁哀毀骨立數月終死焉有司旌其門

王氏劉孝祖妻年十八適孝祖生一子年二十九夫歿矢志撫孤妾遺腹亦生子撫如已出二子成立產業均之守節四十餘年當道旌曰節操慈範

李氏蕪篇妻文達公會孫女自幼適篇克盡婦道年三十篇卒撫孤守節有司扁其門孫汝霖早故孫婦丁氏昭之孫女亦矢志守貞稱一門兩節云

黃氏郭應奎妻主事凝道女年十九喪夫舅姑謀奪其志黃哀毀骨立屢欲自經舅姑隣而順之日竭甘旨

事繼姑撫養幼叔尤極勤劬郭祀賴以不斬有司奏其事勅建貞節坊

王氏楊廷秀妻年十九適廷秀桐夫讀書爲庠廩生四年而寡遺孤荷明纔二歲茹茶飲水訓撫其子亦爲庠廩生且有優行學使者屢褒嘉之院道府歲給穀三十石以示優異天啟四年年近八旬奉旨建坊旌表

楊氏丁鑑妻少貞靜端莊旣歸鑑治家有法丁氏尙禮教非縫掖或不爲族黨所重楊躬績佐讀和夫成名未幾鑑卒遺子如溥甫四齡如泮三齡楊飲水茹荼

教兩孤以禮稍長延名儒訓導咸篤學有聞家固窶每歲時享祭質簪珥必豐必潔娶居五十餘年奉姑教子睦妯娌迄老無間言崇禎三年以壽終

張氏唐瑾妻貢士六德女幼習壺訓適瑾持身嚴潔事舅姑甚孝瑾性靜介少交遊張主內政紡績耕稼皆經理焉家以饒裕教二子聲籍膠庠舅姑歿哀毀盡禮崇禎十年三月張獻忠陷內城張携女四姐妹楊氏避春風閣下賊至搜其婢掠之婢曰有主家少女在此引賊牽四姐出至戶四姐攀限罵賊指盡裂張大罵出抱女伏地曰便同殺此吾女豈受賊辱賊怒

交刃砍之楊氏從床壁間竊出以身蔽姑同時俱碎
四姐亦中數刀以毋嫂蔽之絕復甦得不死楊氏瑾
子齊臯妻生員時榮女弟純孝端一沉靜不見言笑
及赴姑難烈烈而死里黨稱之不衰云

楊氏溫茂業妻鄧州桑家莊人性貞潔崇禎十年二月
張獻忠破鄧城茂業遇害氏早孀抗節自守不以流
離易志十三年八月獻忠再寇鄧氏被虜不屈號呼
厲罵曰磔頭奴害人之夫而亂人之節何不從殺我
賊怒剗目剗舌而死

王氏彭彬妻性婉嫻勤中饋彬早卒子而述甫四齡主
緝組操作奉姑撫教孤子崇禎十三年而述成進士
除陽曲知縣迎養於晉陽王每念起家艱難教以勤
施惠政問有善狀則喜十六年卒於官署孫女大姐
年十四適李雙桂流賊寇鄧而述奉毋欲携女俱入
城女曰旣爲李氏婦豈敢離姑遠去其姑謀登樓以
避女從之賊素聞而述名意其在樓中索之或告曰
已入城矣攻愈急樓破繫男女數百人女從衆中出
厲聲曰我卽彭某女也今日但求一死惡砍吾頭賊
怒割其腕罵不絕口而死及而述登第以毋節女烈
聞於朝奉旨旌表

劉氏丁如汴妻性貞婉明鑒遠識慷慨有丈夫節相夫成家事姑孝養備至姑歿易服飾襄塋祭崇禎十六年李自成據鄧逼大姓授偽命不就者赤族劉謂男之蔡曰吾家世重禮教恐以不義見迫爾宜遠避勿恤家之蔡遂携家西遁得免乙酉二月自成敗復過鄧屠掠益甚如汴先被害劉仰天慟呼曰夫旣死理無獨全乃號哭慢罵求速殺賊怒砍之頸未絕復蘓賊退昇入王氏樓下後賊復破樓劉赴火死

李氏金時輝妻徵仕郎大醇女也性端默尙儉約身先紡績課僕婢力田事姑以孝聞乙酉二月李自成寇

鄧氏閉戶自縊群婦覺救之益悲泣不自勝越三日賊大至乃自投刁河而死

李氏唐壯行妻大醇仲女素貞介不苟言笑相夫讀書躬紡績孝事翁姑居喪成禮中外以賢孝稱乙酉二月李自成屠鄧州氏避土山賊騎突至氏度不能免投房家寨井中死子生員運泰收葬焉

周氏李文定公永茂繼室百戶勉卿女幼習內則知禮義年十四適永茂崇禎十年家人爲賊衝散獨與姑俱乃以子付姑令遠遁將墜城死姑挽之良久適蒼頭盧朴至言北隅可出乃同奔鄉庄嗣是避亂楚粵

間崎嶇艱難惟以調護舅姑爲念身之存亡不恤也
舅姑歿佐夫成禮不以倉皇奔走中稍從衰儉及永
茂卒於梧州周哀毀骨立無日不哭每哭必絕見者
莫不墮淚逾年亦卒年三十四永明王贈以一品夫
人子祭葬

丁氏張孫繩妻生員丁鈇女性朴實年二十二孫繩卒
無子氏哀毀欲身殉旣念公姑年老無倚遂厲志守
節孝養喪葬盡禮年七十餘卒

王氏丁之楨妻華陰知縣九疇女事公姑極孝相夫讀
書夫亡於亂守志撫孤乙酉李自成掠鄧姑喬孺人

聞亂赴井死氏哀號告其伯姆某氏亦同赴井死焉
李氏游擊將軍王之藩妻之藩殺賊死家故豐饒世亂

蕩盡李撫其孤子福采稻度生十年如一日順治二
年李自成旣敗捲土南下李匿石洞中得免子福被
擄李掃櫪間遺菽和苦菜吞之以待兒歸里中猾胥
貪其姿欲奪之或以爲言李指西園井誓曰此未亡
人死所吾夫忠臣吾烈婦若敢以此言相犯耶倘吾
兒歸煩若等報吾死所足矣是夜投井死其子福尋
自岳州歸

戴氏庠生劉思舜妻年十五適思舜夫歿戴年三十誓

志守節撫二子成名性節儉慈愛鄉里咸稱之歲稔
有鄰婦王氏者夫爲寇擄王窘急自經戴與鄰媪救
而甦之諭曰一家性命在爾一人一死則舉家無復
生理盍苟延以待夫歸也婦曰翁跛姑盲三子稚幼
無升斗爲養不死何待戴乃分殮給之逾月其夫歸
舉家全活

桂姐申情之女許字陳子通未嫁子通溺死女聞卽日
自經有司上其事勅建烈女坊祀開封府烈女祠

大姐秦東海女鄧州燕家店人幼慧有德操年十四未
字崇禎十三年八月張獻忠寇鄧女被擄不屈且哭

且罵曰我幼承父兄訓今日之變肯從爾狗彘污辱
哉賊怒肢解之

高氏賈漢相妻年二十夫歿遺孤名言尙在懷抱矢志
不逾鄉黨有慕其賢欲委聘者高引刀刺面乃止後
流寇屠鄧母子爲賊所獲因給賊曰放吾兒便從汝
賊信之縱名言去乃大罵不屈遂遇害

國朝王氏彭而述妻多才智崇禎十七年四月與而述在
武昌聞李自成陷京師不食者累日謂而述曰恨我
婦人不能救國家之難因自投江中救之得不死魏
禧曰余讀左氏傳楚夫人鄧曼多識畧夫人固鄧產

何其相似也甲申聞變不食投江水幾死又過人遠矣

楊氏生員廖惟明妻年十四適惟明閱四載而寡子允昇甫一歲舅姑遺幼叔四歲楊茹荼苦守撫兩孤訓之詩書俱成立楊少嫻內則聰慧善持家事祖姑三十年自甘粗糲貧苦狀不令祖姑知病篤禱天願以身代時人皆稱其貞孝

司氏廩生張永昌妻永昌卒司年二十二歲遺孤炳未彌月欲身殉舅姑指其子謂之曰是呱呱者將焉置之遂忍死撫孤會李白成亂司多方調護卒獲保全

順治二年劉二虎圍鄧司出粟餉士撤屋以備燔燎亂定施棺瘞白骨甚衆炳稍長緝糶課讀得列庠序卒年六十有七守節四十六年雍正十二年旌表傅氏生員王之德妻少嫻內則善持家年十八而寡親老子幼家貧無依矢志守節躬勤績紉孝事舅姑無缺教孤子羽京親師讀書名列黌序宗族稱其賢州牧給扁旌之

賈氏高士拔妻年十七適士拔逾歲夫亡遺孤三月賈撫嬰兒事孀姑家貧茹苦克盡孝道子怡府庠生苦節五十六年雍正十二年旌表

孫氏生員田正治妻年十七而寡遺孤方週歲勵志守節事繼祖姑繼姑孝養兼篤會田族逼其嫁孫毀面正色拒之終夜紡績課兒茂玉弱冠列郡庠歷五十五年比隣未嘗聞其聲雍正十二年 旌表

何氏唐希堯妻年十八適希堯二歲而寡遺孤超裔未滿週礪志守節事姑以孝稱家苦貧姑病小劇剪髮市藥不應遂割股爲糜以療之姑病尋愈教子讀書不少寬假超裔入州庠而母不及見鄉人傷之雍正十二年 旌表

江氏堰子里民張永茂妻永茂病故江年十九遺孤舒

翼方兩月剪髮白矢操凜冰霜知州楊威盛給扁旌焉

褚氏庠生韓衍琦妻年十八適衍琦結縭六載夫歿二子俱幼毀容骨立舉動有禮雖親戚罕至其門姑剛氏年八十餘紡績以供朝暮姑每憐其操而不能奪也舅先歿貧不能葬嚮其產迨姑卒生產蕩然乃出所儲衣飾亟成殮事子稍長就里塾繅車佐讀諸艱備嘗撫以成立贖典宅闢田原門戶賴以不衰長子文烜先亡次文銓入邑庠

王烈女王文秀次女文秀長女許配陳氏後文秀欲携

女遠適備耕陳氏恐其別達令妻熊率數人至文秀家謀奪其長女時烈女在室望見退避熊誤以爲媳拉之衣碎露體文秀妻急以長女交熊引去烈女抱憤遂自刎死雍正六年 旌表

馬氏廩生李天爵妻子歸五載年二十七夫歿家極貧紡棉業履事舅姑養塋盡禮撫二歲孤運泰成立入庠惟舌耕餬口無忝先世清白守節三十八年雍正十年 旌表

陳氏翁兆鳳妻夫歿陳年二十六誓死無他志撫子天佑娶媳子歿復與媳游氏同心撫孤孫列膠庠苦節五十三年雍正十年 旌表

游氏翁天佑妻年二十七夫歿孝事孀姑撫三子成立長嘉謨列黌序守節三十二年雍正十年 旌表
梅氏庠生段九式妻夫歿年二十八家故貧孝養翁姑訓子斌入庠苦節三十一年雍正十年 旌表

李氏張昂妻夫歿年二十生子之鈞未彌月事老姑盡孝撫子成立守節三十三年雍正十年 旌表
張氏段如式妻夫歿年二十七家甚貧課耕力織事姑撫子慈孝兩盡子冲霞爲監生苦節四十年雍正十年 旌表

牛烈女名舜姐牛瑞室女許聘張崇德未婚崇德病亡女聞卽投繯死年二十雍正十一年 旌表

陳氏楊作棟妻年二十四夫歿事姑盡孝撫弱子振世有成苦節四十一年雍正十二年 旌表

曾氏庠生李汝舟妻夫歿年二十奉姑孝敬撫子廷璣成立守節四十七年雍正十二年 旌表

江氏丁象炳妻年十九夫歿孝養舅姑以糠糲自咽訓二子耕讀長賢舉入州庠苦節五十二年雍正十二年 旌表

李氏潘蓮芳妻性賢淑年二十一夫歿事姑盡孝訓子

鄧州志卷之二十一

古延蔣光祖振裘纂氏修

附傳

南北朝宋劉湛字宏仁南陽涅陽人也祖毓父柳並晉左光祿大夫開府儀同三司湛出繼伯父淡襲封安衆縣五等男少有局力不尚浮華博涉史傳諳前代舊典弱年便有宰物情常自比管葛不爲文章不喜談議除宋武帝太尉行參軍賞遇甚厚父柳亡於江州府州送故甚豐一無所受時論稱之服闋爲相國參軍謝晦王弘並稱其器幹武帝入受晉命以第四

附傳

子義康爲冠軍將軍豫州刺史留鎮壽陽以湛爲長史梁郡太守義康弱年未親政府州事悉委湛進號右將軍仍隨府轉義康以本號徙南豫州湛改領歷陽太守爲人剛嚴用法姦吏犯賊百錢以上皆殺之自下莫不震肅廬陵王義真出爲車騎將軍南豫州刺史湛又爲長史太守如故義真時居武帝憂使帳下備膳湛禁之義真乃使左右人買魚肉珍羞於齋內別立厨帳會湛入因命膳酒炙車螯湛正色曰公當今不宜有此設義真曰且甚寒杯酒亦何傷長史事同一家望不爲異酒至湛起曰旣不能以禮自處

又不能以禮處人後爲廣州刺史嫡母憂去職服闋爲侍中時王華王曇首殷景仁亦爲侍中文帝於合殿與四人宴飲甚悅華等出帝目送良久歎曰此四賢一時之秀同管喉唇恐後世難繼及撫軍將軍江夏王義恭鎮江陵以湛爲使持節南蠻校尉領撫軍長史行府事王宏輔政而王華王曇首任事居中湛自謂才能不後之不願外出是行也謂爲宏等所斥意甚不平常曰二王若非代邸之舊無以至此可謂遭遇風雲湛負其才氣常慕汲黯崔琰爲人故名長子曰黯字長孺第二子曰琰字季珪母於江陵病卒

湛求自送喪還都義恭亦爲之陳請文帝荅義恭曰
吾亦得湛啓事爲之酸懷乃不欲苟違所請但沙弱
年新涉軍務八州殷曠專斷事重疇諮委仗不可不
得其人量筭二三未獲便相順許今荅湛啓權停彼
葬頃朝臣零落相係寄懷轉寡湛實國器吾乃欲引
其令還直以西夏任重要且停此事耳汝慶賞黜罰
預得失者必宜悉相委寄義恭性甚狷隘年又漸大
欲專政事每爲湛所裁主佐之間嫌隙遂構文帝聞
之密遺詰讓義恭義恭陳湛無居下之禮又自以年
長未得行意雖奉詔旨每出怨言上友于素篤欲加

酬順乃詔之曰當今之才委授已爾宜盡相彌縫取
其可取棄其可棄先是王華旣亡曇首又卒領軍將
軍殷景仁以時賢零落白文帝徵湛八年召爲太子
詹事加給事中與景仁並被任遇湛云今代宰相何
難此正可當我南陽郡漢代功曹耳明年景仁轉尙
書僕射領選護軍將軍湛代爲領軍十二年又領詹
事湛與景仁素欵又以其建議徵之甚相感悅及俱
被時遇猜隙漸生以景仁專內任謂爲間已時彭城
王義康專執朝權而湛昔爲上佐遂以舊情委心自
結欲因宰相之力回主心傾黜景仁獨當時務義康

屢言之於文帝其事不行義康僚屬及湛諸附隸潛相約勒無敢歷殷氏門者湛黨劉敬文父成未悟其機諸景仁求郡敬文遽謝湛曰老父悖耄遂就殷鐵干祿由敬文闇淺上負生成合門慙懼無地自處敬文之姦諂如此義康擅權專朝威傾內外湛愈推崇之無復人臣之禮上稍不能平湛初入朝委任甚重善論政道并諳前代故事聽者忘疲每入雲龍門御齋便解駕左右及羽儀隨意分散不夕不出以此爲常及晚節驅煽義康陵轢朝廷上意雖內離而接遇不改上嘗謂所親曰劉斑初自西還吾與語常看日

早晚慮其當去比入亦看日早晚慮其不去湛小字斑獸故云斑也遷丹陽尹詹事如故十七年所生母亡上與義康形迹旣乖豐難將結湛亦知無復全地及至丁艱謂所親曰今年必敗常日賴口舌爭之故得推遷耳今旣窮毒無復此望禍至其能久乎伏甲於室以待上臨弔謀又泄竟弗之幸十日詔收付廷尉於獄伏誅時年四十九黯等從誅弟素黃門郎徙廣州湛初被收歎曰便是亂邪又曰不言無戎應亂殺我日自是亂法耳入獄見素曰乃復及汝邪相勸爲惡惡不可爲相勸爲善正見今日如何湛生女輒

殺之爲時流所怪

南史本傳

南齊張敬兒南陽冠軍人也父醜爲郡將軍官至節府參軍敬兒年少便弓馬有膽氣好射猛獸發無不中南陽新野出騎射而敬兒尤多膂力稍官至寧蠻行破又擊胡陽蠻官軍引退敬兒單馬在後賊不能抗山陽王休祐鎮壽陽求善騎射士敬兒及襄陽俞湛應選敬兒善事人遂見寵爲長兼行參軍泰始初隨府轉驃騎參軍署中兵領軍討義嘉賊與劉胡相拒於鵲尾洲啓明帝乞本郡事平除南陽太守敬兒之

爲襄陽府將也家貧每休暇輒傭任自給嘗爲城東吳泰家擔水通泰所愛婢事發將被泰殺逃賣棺材中以蓋加上乃免及在鵲尾洲啓明帝云泰以絲助雍州刺史袁覬爲弩弦黨同逆若事平之日乞其家財帝許之至是收籍吳氏唯家入裸身得出僮役財貨直數千萬敬兒皆有之先所通婢卽以爲妾後爲越騎校尉桂陽王事起隸齊高帝頓新亭賊矢石旣交休範白服乘輿勞樓下敬兒與黃面白高帝求詐降以取之高帝曰卿若辦事當以本州相賞敬兒相與出城南放仗走大呼稱降休範喜召至輿側回陽

致高帝密意休範信之回目敬兒敬兒奪取休範防身刀斬之其左右百人皆散敬兒持首歸新亭除驍騎將軍加輔國將軍高帝置酒謂敬兒曰非卿之功無今日安帝以敬兒人位既輕不欲使便爲襄陽重鎮敬兒求之不已乃微動高帝曰沈攸之在荊州公知其欲何所作不出敬兒以防之恐非公之利帝笑而無言乃除雍州刺史加都督封襄縣侯郃泊沔口敬兒乘舫艦過江詣晉熙王燮中江遇風船覆左右丁壯者各泅水走餘二小史沒船下求敬兒敬兒兩掖挾之隨船仰得在水上如此翻覆行數十里方得

迎接失所持節更給之至鎮厚結攸之得其事迹密白高帝終無二心又與攸之司馬劉攘兵情欵及蒼梧廢敬兒疑攸之當因此起兵密問攘兵所言寄敬兒馬鐙一隻敬兒乃爲備昇明元年冬攸之下乃遣使報敬兒勞接周至爲設食訖列仗於聽事前斬之集部曲頓攸之下當襲江陵敬兒告變使至高帝大喜進號鎮軍將軍改督攸之至郢城敗走其子元琰與兼長史江又別駕傅宣等還江陵敬兒軍至白水元琰聞城外鶴唳謂是叫聲恐懼欲走其夜又宣開門出奔城潰元琰奔寵洲見殺敬兒至江陵誅攸之

親黨沒入其財物數千萬善者悉以人私送臺者百不一焉攸之於湯渚村自經死居人送首荊州敬兒使楯擊之蓋以青織狗諸市郭乃送建鄴進爵爲公敬兒在雍州貪殘人間一物堪用莫不奪取於襄陽城西起宅聚物貨宅大小殆侔襄陽又欲移羊叔子墮淚碑於其處置臺綱紀諫曰此羊太傅遺德不宜遷動敬兒曰太傅是誰我不識及齊受禪轉侍中中軍將軍遷散騎常侍車騎將軍置佐史高帝崩遺詔加關府儀同三司於家竊泣曰官家大老天子可惜太子年少向我所不及也及拜王敬則戲之呼爲褚

彥回敬兒曰我馬上所得終不能作華林閭勳也敬則甚恨焉初敬兒微時有妻毛氏生子道門而鄉里尚氏女有色貌敬兒悅之遂棄毛氏而納尚氏爲室及居三司尚氏猶居襄陽宅慮不復外出乃迎家尸悉下至都啓武帝不蒙勞問敬兒心自疑及垣崇祖死愈恐懼性好卜術信夢尤甚初征荊州每見諸將帥不遑有餘計唯叙夢云未貴時夢居村中社樹欵高數十丈及在雍州又夢社樹直上至天以此訪說部曲自云貴不可言由是不自測量無知又使於鄉里爲謠言使小兒輩歌曰天子在何處宅在赤谷口

天子是阿誰非猶如是狗敬兒家在冠軍宅前有地
各赤谷旣得開府又望班劍語人曰我車邊猶少班
蘭物敬兒長自荒遠少習武事旣從容都下又四方
寧靖益不得志其妻尙氏亦曰吾昔夢一手熱如火
而君得南陽郡元徽中夢一髀熱如火君得本州建
元中夢半體熱尋得開府今復舉體熱矣以告所親
言其妻初夢欠夢又言今舉體熱矣閹人聞其言說
之事達武帝敬兒又遣使與蠻中交關武帝疑有異
志永明元年敕朝臣華林八關齋於坐收敬兒初左
右雷仲顯常以盈滿誠敬兒不能從至是知有變抱

軍萬戶均權茶提舉垓都元帥孫九人克仁知房州

元史
本傳

鄧州志卷之二十一終

敬兒泣敬兒脫冠貂投地曰用此物誤我及子道門
道暢道休並伏誅少子道慶見宥後數年上與豫章
王嶷三日山水內宴解艫船流至御坐前覆沒上由
是言及敬兒悔殺之敬兒始不識書及爲方伯乃習
學讀孝經論語初徵爲護軍乃潛於密室中屏人學
揖讓荅對空中俯仰妾侍竊窺笑焉將拜三司謂其
妻嫂曰我拜後府開黃閣因自爲鼓聲初得鼓吹
羞便奏之又於新林姥廟爲妾祈子祝神口自稱三
公其鄙俚如此始其母於田中卧憂犬子有角舐之
已而有娠而生敬兒故初名狗兒又生一子因狗兒

之名復名猪兒宋明帝嫌狗兒名鄙改爲敬兒故猪兒亦改爲恭兒位正員郎謝病歸本縣常居上保村不肯出仕與居人不異與敬兒愛友甚薦及聞敬兒敗走入蠻後首出原其罪

南史本傳

宋王襄初名寧鄧州南陽人擢進士第崇寧二年以軍器監主簿言事稱旨擢庫部員外郎改光祿少卿出察訪陝西還顯謨閣待制權知開封府府事浩穰訟者株蔓千餘人縲繫滿獄襄晝夜決遣四旬俱盡又閱月獄再空遷龍圖閣直學士吏部侍郎出知杭州未至改海州又改應天府徙鄆州召爲禮部尙書移

兵部出知潁州改永興軍蒲城妖賊王寧適同姓名請更名必爲左司諫石公弼所劾徙汝州俄奪學士提舉南景鴻慶宮大觀三年以集賢殿修撰知潭州改兵部侍郎使高麗還對稱旨詔賜名襄歷工部吏部尙書拜同知樞密院事坐薦引近侍以延康殿學士罷知亳州又坐交迺郭天信落職提舉嵩山崇福宮久之起知郢州復學士秩尋加資政殿學士徙知淮寧府以言事忤王黼復提舉崇福宮宣和六年起爲河南尹金人再入出爲西道都總管張杲副之高宗開大元帥府襄以所部兵會於虞城縣卽位命襄

知河南府襄初與趙野分總西北道諸軍金人圍京師徵兵入援二人故迂道宿留至是降寧遠軍節度

副使永州安置卒

宋史本傳

元劉整字武仲先世京兆樊川人徙鄧州穰城整沉毅有智謀善騎射金亂入宋隸荆湖制置使孟珙麾下共攻金信陽整爲前鋒夜縱驍勇十二人渡堦登城襲擒其守還報珙大驚爲唐李存孝率十八騎拔洛陽今整所將更寡而取信陽乃書其旗曰寶存孝累遷潼州十五軍州安撫使知瀘州軍州事政以北方人打西邊有功南方諸將皆出其下呂文德忌之所

畫策輒擯沮有功輒掩而不自以俞興與整有隙使之制置四川以圖整興以軍事召整不行遂誣搆之整遣使訴臨安又不得遷以向士璧曹世雄二將見殺整益危不自保乃謀款附中統二年夏整籍瀘州十五郡戶三十萬入附世祖嘉其來抄夔府行省兼安撫使賜金虎符仍賜金銅符以給其將校之有功者俞興攻瀘州整出寶器分士卒激使戰戰數十合敗之復遣使以宋所賜金字牙符及佩印入獻請益屯兵厚儲積爲圖宋計三年入朝授行中書省於成都潼川兩路賜銀萬兩分給軍士之失業者仍詔都

元帥立寨諸山以扼宋兵同列嫉整功將謀陷之整懼請分帥潼川七月改潼川都元帥宣課茶鹽以餉軍四年五月宋安撫高達溫進逼成都整馳援之宋兵聞竇存孝至遁去將擣潼川又與整遇于錦江一而敗至元三年六月遷昭武大將軍南京路宣撫使四年十一月入朝進言宋主弱臣悖立國一隅今天啓混一之機臣願効犬馬勞先攻襄陽撤其扞蔽廷議沮之整又曰自古帝王非四海一家不爲正統聖朝有天下十七八何置一隅不問而自棄正統邪世祖曰朕意決矣五年七月以鎮國上將軍都元帥九

月偕都元帥阿朮督諸軍圍襄陽城鹿門堡及白河口爲攻取計率兵五萬鈔略沿江諸郡皆嬰城避其銳俘人民八萬六年六月擒都統唐永堅七年三月築實心臺于漢水中流上置弩砲下爲石囤五以扼敵船且與阿朮計曰我精兵突騎所當者破惟水戰不如宋耳奪彼所長造戰艦習水軍則事濟矣乘驛以聞制可旣還造船五千艘日練水軍雖雨不能出亦畫地爲船而習之得練卒七萬八月復築外圍以遏敵援八年五月宋帥范文虎遣都統張順張貴駕輪船饋襄陽衣甲邀擊斬順獨貴得入城九月陞叅

知河南行中書省事九年三月加諸翼漢軍都元帥
襄陽帥呂文煥登城觀敵整躍馬前曰君昧於天命
害及生靈豈仁者之事而又齷齪不能戰取羞於勇
者請與君決勝負文煥不荅伏弩中整三月破樊城
外郭斬首二千級擒裨將十六人謀知文煥將遣張
貴出城求援乃分部戰艦縛草如牛狀傍漢水綿亘
叅錯衆莫測所用九月貴果夜出乘輪船順流下走
軍士覘知之傍岸焚草牛如晝整與阿米塵戰艦轉
戰五十里擒貴于櫃門關餘衆盡殺之十一月詔統水
軍四萬戶宋荆湖制置李庭芝以金印牙符授整漢

軍都元帥盧龍軍節度使封燕郡王爲書使永寧僧
持送整所期以間整整密令得之驛以聞于朝敕張
易姚樞雜問適整至自軍言宋怒臣畫策攻襄陽故
設此以殺臣臣實不知詔令整復書謂整受命以來
惟知督厲戎兵舉垂亡孤城耳宋若果以生靈爲念
當重遣信使請命朝廷顧爲此小數何益於事時圍
襄陽已五年整計焚襄唇齒也宜先攻樊城樊城人
以柵蔽城斬木列置江中貫以鐵索整言於丞相伯
顏令善水者斷木沉索督戰艦趨城下以回回砲擊
之而焚其柵十年正月遂破樊城屠之遣唐永堅入

襄陽論呂文煥乃以城降上改賜整田宅金幣鞍馬
整入朝奏曰襄陽破則臨安搖矣若將所練水軍乘
勝長驅長江必皆非宋所有遂改行淮西樞密院事
駐正陽夾淮而城南逼江斷其東西衝十一年陞驃
騎衛上將軍行中書左丞宋夏貴悉水軍來攻破之
于大人洲十二年正月詔整別將兵出淮南整銳欲
渡江首將止之不果行丞相伯顏入鄂旋至整失聲
曰首帥止我願使我成功後人善作者不必善成果
然其夕憤惋而卒年六十三贈龍虎衛上將軍中書
右丞謚武敏子垣嘗從父戰敗咎萬壽于通泉延管

有方苦節四十四年雍正十二年 旌表

楊氏庠生丁爾昭妻夫歿年二十家貧事舅姑盡孝訓
子賢遲成立苦節四十四年雍正十二年 旌表

馮氏程瑞妻夫歿年二十三孝事孀姑撫藐孤敬成立
苦節四十六年雍正十二年 旌表

朱氏張大經妻年二十夫歿事舅姑撫孤子銓慈孝俱
盡守節四十年雍正十二年 旌表

王氏劉顯妻年二十三夫歿孝事老姑撫孤成立又教
其孫偉入州庠守節五十三年雍正十三年 旌表

梁氏孫宗咸妻年二十四夫歿敬事翁姑教子金鰲入

郡庠守節三十年乾隆七年 旌表

徐氏劉天祿妻年十九夫歿與姑同處一室孝事維謹

遺腹生男撫以成立守節三十三年乾隆十年 旌

表

李氏馬震妻年二十四夫歿善事翁姑撫育二子文獻

文宗苦節四十七年乾隆十八年 旌表

張氏馬慶雲妻年二十夫歿遺孤尙在襁褓家貧無依

養姑五十八年姑始沒現今苦節三十九年

李氏監生辛灝妻年二十二夫歿無子守節三十一年

郭氏李天培妻年二十一夫歿家貧子幼事舅姑撫孤

現今守節三十二年

曹氏監生彭克輝妻年二十四夫歿事姑撫孤守節二

十八年而卒

戴氏蘓介妻年二十夫歿事舅姑二十餘年子亡復與

媳撫其孫年七十五知州許錫齡給匾曰躬全淑行

張氏潘登雲妻年十九夫歿遺子方彌月家貧事祖姑

及翁盡孝苦節三十六年

李氏王文運妻年二十一夫歿子甫周歲家貧矢志養

舅姑撫孤現今苦節三十八年

趙氏馬國朝妻年二十二夫歿事翁姑撫孤守節三十

一年

馬氏張雲林妻年二十三夫歿事姑教子現今守節四

十九年

趙氏羅景論妻年二十三夫歿養姑教子守節五十六

年

鄒氏廩生徐鴻泰妻年二十六夫沒貧不能葬鄒晝夜

紡績養舅姑撫孤後二十年舅姑歿乃與夫柩同葬

祖塋苦節四十一年子曉孫大輅皆入州庠

張氏單媚妻年二十三夫歿子始週歲家貧矢志與夫

弟嶽夫婦同居甫二年嶽歿亦遺一子乃與弟婦張

勉力共守越十年而弟婦卒氏苦力經營爲子姪婚

娶後有六孫子及長三孫相繼歿餘三孫尙幼愁苦

百端里人共嘆現年八十七苦節六十五年

陳氏王國白妻年二十九夫歿姑早喪貧無尺土紡績

爲生孝舅撫孤現年七十二苦節四十三年

張氏王松林妻年二十九夫歿事舅姑撫孤現今守節

四十年

王氏張士美妻年二十夫歿家甚貧寡欲奪其志者百

計逼遺誓死不移撫孤子成立娶媳宋氏子復死幸

宋氏孝侍守節三十九年而卒

丁氏廩生汪式楷妻年二十夫歿事舅姑撫孤現今守節三十二年

丁氏張濟鑾妻年二十夫歿孝事舅姑守節三十二年
李氏劉漢朝妻年十九夫歿舅姑強欲嫁之李奔告其父將自盡父母勸止之自是無敢議嫁者卒奉翁姑以終天年氏年八十五守節六十七年而卒

李氏丁世應妻年二十夫歿遺孤方五月有地八畝舅姑老且病竭力事育舅姑沒盡賣其地以葬子傭工於人李紡績佐朝夕現今苦節三十九年

李氏張希齡妻年二十夫歿舅姑憐其幼欲嫁之李剪

髮自誓事舅姑撫二子現今守節四十三年

李氏監生丁崇銷妻年二十一夫歿以髮投棺中誓曰倘有不善事公姑下撫幼子神明誅殛汝宜瞑目於地下現今守節四十年

鄭氏丁崇銓妻于歸一年而夫故無子女年方十九姑與其父母議嫁之自投巖陵河中救之得不死現今守節三十七年

張氏趙做妻年十八歸做甫五月喪其夫遺腹生子鎮極孝養舅姑安貧教子爲州庠生現今守節三十二年

湯氏韓光岑妻年二十五夫歿遺孤復殤舅姑老且病亦相繼去世湯號泣經營守節六十一年年八十五而終

李氏馬震妻年二十六夫歿剪髮矢志守節四十六年乾隆十八年旌表子文宗文獻事母皆以孝稱知州蔣光祖奉憲額旌其門

周氏唐元亮妻年二十夫歿遺孤甫二歲家貧如洗繼姑蘓逼其改適周下氣怡色委曲全節久而和豫事舅姑養葬盡禮嫂趙氏歿遺一子二女皆幼周抱養之與己子俱成立婚配始終如一守節五十四年而

終

李氏高文智妻年二十六夫歿家貧事姑撫孤守節五十二年

單氏杜桂妻年二十三夫歿遺子未週歲家貧甚單誓奉舅姑撫孤現今苦節三十四年

宋氏張式妻年二十二夫歿遺腹生子文魁家貧衣食不給孝養老姑撫孤成立現今苦節三十四年

何氏監生江嵩妻年二十四夫歿孝事舅姑撫孤成立守節四十年子琦中雍正壬子武鄉試

彭氏貢生王輯遠妻年二十一夫歿事舅姑撫孤現今

守節三十一年

史氏鄧顯章妻年二十一夫歿孝事舅姑撫孤成立守

節三十三年

歸氏廖銑妻年二十歸銑姑老而盲事之盡孝二十七夫歿或勸改適唾其面焚香自誓撫孤成立現今守

節四十二年

許氏劉敏學妻年二十四夫歿事祖翁及舅姑撫孤成立孫湘入邑庠守節四十四年而終

朱氏劉敏政妻年二十二夫歿無子與嫂許氏紡績事祖翁及舅姑或以糟糠自咽守節三十八年卒

趙氏王蘭妻年二十一夫歿無子現今守節四十五年

王氏趙繼武妻年二十二夫歿有一子子死復與媳郭氏撫其遺腹孫現今守節三十一年

薛氏孫溶妻年二十夫歿事姑孝現今守節四十二年
段氏宋朝宗妻年二十一夫歿無子紡績事姑現今守

節五十六年

胡氏竇名楊妻年二十夫歿哭之日幾眇及姑歿遂瞽現今守節三十六年

馬氏楊召麟妻年二十一夫歿事舅姑撫孤守節五十七年

孫氏生員王嵩妻年二十四夫歿事舅姑撫孤現今守節四十一年督學潘旌其門曰栢舟矢志

王氏生員范廷伯妻年二十一夫沒撫二子歐彬一入州庠一爲國子生二子又歿歐無子彬遺二孫王復撫之歐歿時其妻錢氏年十九亦矢志撫姪爲嗣與姑同燈紡績現今王守節六十五年錢守節四十五年孫名儒亦入州庠

劉氏生員段冲舉妻年二十五夫歿止遺一女家貧甚紡績奉舅姑女既適人卽築室墓側後兩姓俱絕劉獨苦節五十三年年七十七而終

李氏丁顯公妻年二十七夫歿現今守節三十六年高氏陳秉聲妻年二十五夫歿奉姑撫孤現今守節三十九年

余氏生員郭端紳妻年十九夫歿事姑撫孤家頗饒裕孤既長蕩廢遂盡余晝夜紡績姑售之於鄰以此爲生備嘗艱苦然姑衰年多病余奉侍藥餌甘旨未嘗缺也久之姑以壽終現今苦節四十三年聞者莫不悲之

劉氏周正妻年二十一夫歿家貧甚欲奪其志劉指天自誓事衰翁撫幼子及翁卒或日不舉火然經營殯

葬不使有憾爲子授室現今苦節三十四年里人歎之

王氏王璉妻年二十七夫歿奉事舅姑撫三子俱成立守節五十六年壽八十三乃終

王氏李飛雲妻郭氏李乘雲妻王年二十九郭年三十其夫歿各有二子撫以成立孝事舅姑王孫延祚入郡庠現今守節五十四年郭守節五十年年七十九而卒

段氏儒童趙必得妻年十九夫歿事翁姑以孝待夫弟以友遺腹生子暄拮据撫育篝燈課讀孤子入庠現年五十歲守節三十二年

聶氏范同文妻年二十七夫歿勵志苦節還諸僕之約焚逋負之券飲水茹荼二子成立諸孫滿前壽八十九歲而終守節六十二年

余氏庠生郭端紳妻年十九夫歿事孀姑以孝撫孤子以慈辛勤拮据艱苦備嘗現年六十一歲守節四十三年

湯氏沈永祜妻年十七夫歿遺腹生子洪舉撫以成立娶徐氏生子灝洪舉亦歿徐年二十二與姑共撫孤灝慈孝勤儉湯守節四十一年徐守節三十七年而

終知州蔣光祖旌曰一門雙節

劉氏文星聚妻年二十八夫歿撫遺腹子佩鳴成立娶
媳王氏後劉得疾王焚香割股入糜中姑食之遂愈
知州馬趨旌曰一門節孝劉現今守節四十四年
高氏庠生文林妻年二十四夫歿事姑孝教孤子承周
入邑庠現今守節四十六年

張氏高麟趾妻年二十九夫歿零丁孤苦磨豆麥爲生
撫孤成立苦節四十二年

孔氏趙自強妻年二十七夫歿事舅姑撫孤操作勤儉
現今守節三十六年

周氏貢生彭鶴繼妻端淑孝舅姑撫愛前子逾於所生
夫歿二子皆幼少子應元猶在遺腹拮据持家教諸
子成立勤儉好施乾隆癸亥歲禋捐穀三十石銀十
兩入官備賑又自治糜給粟存活甚衆重建三里閣
關廟壯麗逾舊矢志以終格於年例人甚惜之

